

COMUNE DI QUARTU SANT'ELENA – QUARTU SANT'ALENI

Tzitadi Metropolitana de Casteddu

Ordinàntzia n. 204 de su 16/11/2022

SETORI 12 - POLITZIA MUNIZIPALI - PROTETZIONI TZIVILI – MOBILIDADI E TRÀFICU

Ordinàntzia nr. 204 de su 16/11/2022

SU DIRIGENTI

BIDA sa nota Prot. Gen. n. 107476 de su 15/11/2022 innui su Manager Territoriali de sa SIRTI S.p.A. cun sedi legali in Milanu in Bia Stamira D' Ancona n. 9 pedit unus cantu modìficas a sa viabilidadi de sa Bia Merello po permiti is traballus de segadadura stradali cun torratura che a prima, ponidura putzetus e cavus po contu de FiberCop-Telecom Italia po acumpiri sa retza FTTH, de su 18 a su 25 de onniasantu 2022, de is oras 08.00 a is oras 18.00. Is traballus s' ant a fai, po contu de SIRTI S.p.A., de parti de s' impresa Mereu Luca cun sedi legali in Muravera (CA) in sa Bia Melas n. 35;

BIDA s' autorizazioni a is traballus in logu pùblicu n. 06/2022 de su 05/10/2022 emìtia de su Dirigenti de su Setori Ambienti e Servìtzius Tecnològicus;

ISTABILIDA sa netzessidadi de adotai sa disciplina temporànea de sa tzirculazioni po sa garantzia de seguresa de sa tzirculazioni;

BIDU s' art. 107 de su D.lvu n. 267 de su 18 de austu 2000;

BIUS is D.Lgs n. 285 de su 30 de abrili 1992 e n. 360 de su 10 de cabudanni 1993;

BIUS is D.P.R n. 495 de su 16 de idas 1992 e n. 610 de su 10 de idas 1996;

CUMANDAT

- s' istituzioni de su divietu de pasada cun rimotzioni a fortza in ambaduas is alas de sa strada e, innui serbit, finas sa suspensioni temporànea de sa tzirculazioni veiculari po esigèntzias tènicas chi pertocant is traballus arremonaus, de su 18 a su 25 de onniasantu 2022, de is oras 08.00 a is oras 18.00, in sa Bia Merello, intre su tzivicu 74 e su tzivicu 88. Chini fait is traballus tenit s' autorizazioni, in s' in casu de netzessidadi, autorizzato, de nc' adotai totu is mesuras in matèria de tzirculazioni stradali po s' esecuzioni de is traballus in seguresa, a pustis de ai intèndiu s' ufitziu de cumpetèntzia, sighendi is normas chi sighint:

-is cartellus de divietu de pasada bolint postus in is partis de strada innui s' ant a fai is traballus a su mancu 48 oras ainnantis de s' esecuzioni, po no prus de 5 diis;

-su crono-programma de is traballus previdit s' abertura de is cantieris stradalìs candu acabant is traballus in su tretu pretzedenti;

- is diis e is oras de interdizioni a sa pasada o a su tràficu de veturas bolint comunicaus a su Cumandu de Polizia Locali de Quartu Sant'Aleni de parti de chini fait is traballus, a su mancu 48 oras ainnantis de s' esecuzioni, po mèdiu de mail a s' indiritzu de posta eletrònica

ufficiotraffico@comune.quartusantelena.ca.it, e in s' in casu custus traballus si fetzant in àreas de pasada a pagamentu o de trànsitu de veìculus de su trasportu pùblicu, chini fait is traballus depit comunicai finas a sa Sotziedadi ABACO S.p.A, a su CTM S.p.A., ARST e DE VIZIA TRANSFER;

- a sa pròpiu manera bolint comunicadas is mudaduras a su crono-programma.

DONAT S' INCÀRRIGU a s' Impresa chi fait is traballus de ponni is sinnalis de cantieri cunforma a su Regulamentu de esecuzioni a su Còdixi de sa Strada Nou.

COMÙNICAT chi cunforma a s' Art. 3 comma 4 de sa lege de su 07 de austu 1990 n. 241, si podet presentare recursu a su T.A.R. contra a custa ordinàntzia, intro de 60 dies dae sa publicatzione o recursu desempradu a su Presidente de sa Repùblica, intro de 120 dies dae s' iscadèntzia de is tèrmines de publicatzione.